

FILIPENSES

¹ Pablojon quic'ot Timoteo, i winicon lojon Jesucristo. Wolic ts'ijbubeñet lojon ili jun, pejtelel i cha'añet b_Λ la Cristo Jesús ya' ti Filipos, yic'ot xcantayajob yic'ot diáconojob. ² La' aq'uentiquetla i yutslel yic'ot i ñach'talel la' pusic'al ch'oyol b_Λ ti Dios lac Tat yic'ot lac Yum Jesucristo.

Pablo tsi' cha'le oración cha'an xñopt'añob ya' ti Filipos

³ Ti jujunyajl che' mic ña'tañetla, mic suben c Yum Dios wocolix i y_{ΛΛ}. ⁴ Ti pejtelel ora che' mic tajetla ti oración, mij c'ajtiben Dios la' wenlel ti' tijicñayel c pusic'al. ⁵ Mic suben wocolix i y_{ΛΛ}, come c'Λ_Λ ti' cajibal che' b_Λ tsa' caji la' ñop c'Λ_Λ w_Λle, woli la' coltañon ti' pucol jini wen t'an. ⁶ Cujil Dios mi caj i ts'actesan majlel jini wen b_Λ e'tel tsa' b_Λ i teche ti la' pusic'al c'Λ_Λ ti' q'uiñilel Jesucristo. ⁷ Che'ach yom mic ch_Λn ña'tañetla ti la' pejtelel ti pejtelel ora, come añetla tic pusic'al. Jini cha'an woli la' tajben i yutslel i pusic'al Dios quic'ot, come ch_Λn xuc'ulon ti jini wen t'an w_Λ' ba' ñup'ulon. Wolic ch_Λn tsictesan i sujmllel. ⁸ Yujil Dios ti pejtelel c pusic'al mic wen c'uxbiñetla ti la' pejtelel yic'ot i c'uxbiya Jesucristo. ⁹ Mij c'ajtiben ti oración cha'an mi' ch_Λn p'ojlel la' c'uxbiya yic'ot la' ña'tabal yic'ot cab_Λ la' pusic'al, ¹⁰ cha'an mi la' yajcan chuqui ñumen wen, cha'an mi la' wajñel, ti' saclel la' pusic'al ti' tojlel la' pi'lob c'Λ_Λ ti' q'uiñilel Cristo, ¹¹ cha'an cab_Λ mi' y_Λc' i wut toj b_Λ la' pusic'al ti' tojlel Jesucristo. Che' jini, mi caj i

tsictiyel i ñuclél Dios. Mi caj i subentel wocolix i yΛΛ.

Che' cuxulon to wΛ'to mic chaΛ ajñel cha'an Cristo

¹² Com mi la' ña'tan hermanojob, jini wocol tsa' bΛ cubi tsi' yΛC'Λ ti utsi pujquel jini wen t'an ¹³ ti' tojlel pejtelel i soldadojob César woliyo' bΛ ti cΛntaya, yic'ot yaño' bΛ ja'el. Laj yujilob ñup'ulon cha'an Cristo. ¹⁴ Tsa' ch'ejl'ayob ti lac Yum cabΛ la quermanojob cha'an ñup'ulon. Ñumen ch'ejl woli' subob jini wen t'an. Ma'añobix i bΛq'uen.

¹⁵ Isujm an winicob mu' bΛ i subob i t'an Cristo yic'ot i tsΛytsayñayel i pusic'al tic tojlel, cha'an mi' t'oxob hermanojob. Pero yaño' bΛ mi' subob i t'an Cristo cha'an yomob i mel chuqui uts'at. ¹⁶⁻¹⁷ Woliyob ti subt'an come woli' c'uxbiñoñob. Ña'tΛbil i cha'año b wa'chocobilon ti Dios cha'an mic tsictesan i sujmlél jini wen t'an. Pero yaño' bΛ mi' cha'leño b subt'an, come yomob i yotsΛbeño n i tsΛytsayñayel c pusic'al. Yomob i p'ojlesΛbeño n c wocol ilayi ti mΛjquibΛ. ¹⁸ ¿Chuqui mi cΛ, che' jini? Mi woli' subob i t'an Cristo cha'an yomob i bajñel chañ'esan i bΛ, o mi woli' subob ti jump'ejl i pusic'al, tijicñayon cha'an woli ti sujbel. ChaΛ tijicña mi cubin.

¹⁹ Come kujil mi caj cΛjq'uel ti coel cha'an la' woración yic'ot i ye'tel i yEspíritu Jesucristo. ²⁰ Come che'Λch com ja'el ti pejtelel c pusic'al. Mi cΛ ma'aníc mi caj cΛjq'uel ti quisin mi ts'ita'ic, pero ti pejtelel c ch'ejlel che' bajche' ti yambΛ ora, che' ja'el wΛle, mi caj i pΛstΛ i ñuclél Cristo tic tojlel mi cuxul to mi cajñel, o mi mux c chΛmel. ²¹ Come

cuxul Cristo tic pusic'al. Jiñach j cuxtal. Mi tsa' chamiyon ñumen tijicñayon ti' tojlel. ²² Pero mi anto j c'ajñibal w' ti pañimil ti' tojlel xñopt'añob, mach kujilic baqui b' yom mic yajcan. ²³ Come woli ti ch' q'uxel c pusic'al cha'an cha'chajp wolic ña'tan. Comix ch'amel cha'an mi cajñel yic'ot Cristo. Jiñach c'ax uts'at b'. ²⁴ Pero yom to mic ch' ajñel quic'otetla cha'an mij c'antesañetla. ²⁵ Che'ach wolic ña'tan. Jini cha'an kujil mu' to cajñel quic'otetla, cha'an mi' p'ojlel la' wenlel yic'ot i tijicñayel la' pusic'al ti' ñopol Cristo. ²⁶ Che' jini mi caj i p'ojlel i ñuclal la' pusic'al ti Cristo Jesús cha'añon che' mic cha' c'otel ba' añetla.

²⁷ Yom jach mi la' wajñel ti uts'at che' bajche' mi' c'antesañonla i wen t'an Cristo. Che' jini mi tsaj q'ueleyetla, o mi ma'anic tsaj q'ueleyetla, mi caj cubin xuc'uletla ti jump'ejl la' pusic'al, che' temel mi la' cha'len wersa cha'an mi' ñojpel jini wen t'an. ²⁸ Mach yomic mi la' wis b'ac'ñan la' contrajob. Che' jini tsiquil ti' tojlelob mi caj i jis'antelob, pero mi caj la' col'antel cha'an Dios. ²⁹ Come aq'uebiletla la' c'ajñibal ti Cristo, mach cojic jach cha'an mi la' ñop, pero cha'an ja'el mi la' wubin wocol cha'an Cristo. ³⁰ Lajal woli' yujtel wocol ti la' tojlel che' bajche' tic tojlel come wolic ñusan wocol che' bajche' tsa' la' wubi.

2

Cristo tsi' peq'uesa i b'

¹ An i ñuq'ues'antel lac pusic'al ti Cristo yic'ot c'uxbiya. Mi lac wen c' lac b' ti jini Espíritu. Mi laj c'uxbin lac b', mi lac p'untan lac b'. ² Jini cha'an ts'actes'abeñon i tijicñayel c pusic'al. Yom

junlajal la' ña'tʌbal yic'ot la' c'uxbiya yic'ot la' t'an. Yom jump'ejl jach la' pusic'al. ³ Mach yomic chuqui mi la' wis mel ti' tsʌytsʌyñʌyel la' pusic'al cha'an mi la' chañ'esan la' bʌ. Pero yom pec' mi la' mel la' bʌ. Yom ñumen ñuc mi la' q'uel la' pi'ʌlob che' bajche' mi la' bajñel q'uel la' bʌ. ⁴ Mach jinic jach la' bajñel wenlel yom mi la' ña'tan pero i wenlel la' pi'ʌlob ja'el.

⁵ Yom lajal la' ña'tʌbal che' bajche' i ña'tʌbal Cristo Jesús. ⁶ Che' junlajal Jesús yic'ot Dios, ma'anic tsi' wersa ña'ta i yajñel che' bajche' Dios. ⁷ Pero tsi' wen peq'uesa i bʌ. Tsa' ajni che' bajche' juntiquil am bʌ ti' yum. Tsi' yila pañimil che' bajche' winic. ⁸ Che' bʌ tsa' ajni bajche' winic, tsi' peq'uesa i bʌ. Tsi' wen jac'be Dios c'ʌʌʌ tsi' yʌc'ʌ i bʌ ti chʌmel ya' ti cruz. ⁹ Jini cha'an Dios tsi' yʌq'ue c'ax cabʌ i ñucler ya' ti tojlel. Tsi' yʌq'ue ñumen ñuc bʌ i c'aba' che' bajche' pejtelel ñuco' bʌ am bʌ i ye'tel. ¹⁰ Cha'an ti' c'aba' Jesús mi caj i ñocchocoñob i bʌ pejtelel año' bʌ ti panchan yic'ot ti pañimil yic'ot ti' mal lum. ¹¹ Ti pejtelelob mi caj i yʌlob Yumʌʌch Jesucristo cha'an mi' tsictesañob i ñucler Dios lac Tat.

La' tsictiyic la' sʌclel ti pañimil

¹² Jini cha'an hermanojob, c'uxbibil bʌ c cha'an, che' bajche' tsa' la' jac'beyon che' ya' to añoñ la' wic'ot, ñumen wen woli la' jac' wʌle che' mach ya'ic añoñ. Ti' tsiltsilñʌyel la' pusic'al yic'ot bʌq'uen yom mi la' chʌn cha'len chuqui uts'at cha'an mi' tsictiyel woli la' coltʌntel. ¹³ Come Dios woli' mel i ye'tel ti la' pusic'al cha'an mi la' mulan yic'ot cha'an mi la' mel chuqui yom Dios. ¹⁴ Melela ti

pejtelel la' pusic'al. Mach yomic mi la' cha'len wulwul t'an mi a'leya. ¹⁵ Che' jini toj mi caj la' wajñel ti jump'ejl la' pusic'al, i yalobiletla Dios. Che' jini ma'anic la' bibi'lel anquese joyoletla ti jini mach b_Λ tojobic i pusic'al, jini sojquemob jax b_Λ. Mi' tsictiyel la' s_Λc_Λlel ti' tojlelob che' bajche' ec' ¹⁶ che' woli la' p_Λs jini cuxul b_Λ t'an. Che' jini, tijicña mi caj cubin ti' q'uiñilel Cristo cha'an mach lolomic jach que'tel. ¹⁷ Tsa'ix la' ñopo Cristo tsa' b_Λ i y_Λc'Λ i b_Λ i wenta ts_Λns_Λbil b_Λ i majtan Dios. Mi che'Λch yom mic ch_Λmel ja'el cha'an xuc'ul mi la' ñop, tijicñayon mi tsa' mejli c ñuq'ues_Λbeñetla la' pusic'al. ¹⁸ Jini cha'an yom tijicñayetla. Yom mi la' ñuq'ues_Λbeñon c pusic'al ja'el.

Timoteo yic'ot Epafrodito

¹⁹ Mi c_Λl mach jalic mi caj i coltañon lac Yum Jesús, cha'an mic choc tilel Timoteo ba' añetla, cha'an mi' ñuc'an c pusic'al che' mi cubin bajche' añetla. ²⁰ Come ma'anic yamb_Λ c pi'Λl ilayi lajal bajche' Timoteo mu' b_Λ i ña'tan la' wenlel ti jump'ejl i pusic'al. ²¹ Ti pejtelelob mi' ña'tañob i bajñel wenlel. Ma'anic mi' ña'tañob chuqui yom Cristo Jesús. ²² La' wujil an cab_Λl i c'Λjñibal Timoteo. Che' bajche' ch'iton mi' coltan i tat ti e'tel, tsi' coltayon Timoteo ti' pucol jini wen t'an. ²³ Jini cha'an com c choc majlel ya' ba' añetla che' mic ña'tan chuqui anto yom tic tojlel. ²⁴ Mi c_Λl mach jalix mi caj i coltañon lac Yum cha'an mic tilel ja'el ba' añetla. ²⁵ Tsac ña'ta ja'el yom mic choc majlel ba' añetla quermano Epafrodito, c pi'Λl ti e'tel ti jini wen b_Λ guerra. Chocbil tilel la' cha'an, tsi' wen coltayon. ²⁶ Wersa yom i q'ueletla ti la' pejtelel,

come tsi' wen mele i pusic'al cha'an tsa' la' wubi c'am. ²⁷ Isujm tsa' wen c'am'a Epafrodito. Colel tsi' y_{ΛΛ} ch_Λmel. Pero Dios tsi' p'unta. Mach jinic jach tsi' p'unta Epafrodito, tsi' p'untayon ja'el, ame p'ojlic i ch'ijiyemlel c pusic'al. ²⁸ Jini cha'an com c b_Λc' choc majlel ba' añetla, cha'an cha' tijicña mi la' wubin che' mi la' q'uel, cha'an che' jini mi' lajmel jini c tsic pusic'al ja'el. ²⁹ P_Λy_Λla ochel ti lac Yum ti' tijicñ_Λyel la' pusic'al. Q'uelela ti ñ_{uc} pejtél mu' b_Λ i melob che' bajche' Epafrodito. ³⁰ Come cha'an ti' ye'tel Cristo colel tsi' y_{ΛΛ} ch_Λmel. Tsi' y_Λc'Λ i b_Λ ba' b_Λb_Λq'uen mi' ch_Λmel cha'an mi' ts'actes_Λbeñetla chuqui anto yom melol tic tojlel.

3

Wolic cha'len ajñel cha'an mij c'otelya' ba' jax_Λl c bijlel

¹ Hermanojob, anto yom mi la' tijicñesan la' pusic'al ti lac Yum. Isujm, ma'anic mic lujban c cha' ts'ijbubeñetla jini jach b_Λ t'an. Che'Λch yom cha'an mi la' wen jac'. ² Tsajiletla come an winicob lajalo' b_Λ bajche' ts'i'. Ch_Λc_Λ q'uele la' b_Λ ti' tojlel jini mu' b_Λ i cha'leñob jontolil. Ch_Λc_Λ q'uele la' b_Λ ti' tojlel jini woli b_Λ i subob wersa mi' tsejpel lac p_Λch_Λlel cha'an mi laj colt_Λntel. ³ Tsepbil lac p_Λch_Λlel ti isujm, joñonla mu' b_Λ lac ch'ujutesan Dios ti Espíritu. Mi' ñ_{uc}'an lac pusic'al ti Cristo Jesús. La kujil mach mejlic lac bajñel coltan lac b_Λ. ⁴ Mi an majqui tsi' lon ña'ta i bajñel coltan i b_Λ, che' ja'el joñon. Mi an majqui mi mejlel i p_Λs i b_Λ ti ñ_{uc} ti' tojlel Dios, ñumen joñon. ⁵ Come tsac ch'Λm_Λ tsep p_Λch_Λlel che' wax_Λc'ejl

jaxto j q'uiñilel. Loq'uemon ti' p'olbal israelob, ti' p'olbal Benjamín. Hebreojon come puro hebreojob c ñojte'el. Fariseojon cha'an ti' jac'ol mandar. ⁶ Cabal tsac tic'la xñopt'añob mu' b_Λ i tempañob i b_Λ. Ma'anic c mul ti' tojlél jini mandar.

⁷ Pero lolom jach pejtél c bajñel ñuclel. Tsac ña'ta la'ix sajtic cha'an mij c'uxbintel ti Cristo. ⁸ Isujm, ma'anic i c'ajñibal jini tsa' b_Λ c ñaxan q'uele ti ñuc come ñumen ñuc i c_Λñol Cristo Jesús, c Yum. Cha'an Cristo wolij q'uel bajche' misujel_Λ pejtelel tsa' b_Λ j q'uele ti ñuc ti yamb_Λ ora cha'an mic taj c wenlel ti Cristo, ⁹ cha'an mi cajñel ti' tojlél. Mach cha'anic ti' jac'ol mandar wolic taj, pero cha'an wolic ñop Cristo, come Dios mi' y_Λq'ueñonla toj b_Λ lac pusic'al che' mi lac ñop. ¹⁰ Com jach j c_Λn Cristo yic'ot i p'_Λt_Λlel Dios tsa' b_Λ i teche ch'ojoyel. Com c_Λmben i wocol cha'an mic ch_Λmel lajal bajche' tsa' ch_Λmi, ¹¹ cha'an mic cha' ch'ojoyel ja'el ti' tojlél ch_Λmeño' b_Λ, bajche' jach mi' yujtel, cha'an mi cajñel ti tsiji' b_Λ j cuxt_Λlel.

Yom mi lac cha'len wersa

¹² Maxto anic tsac taja pejtelel jini. Maxto ts'_Λctiyemic c wenlel. Wolic cha'len wersa cha'an ts'_Λc_Λl mic taj chuqui yom i y_Λq'ueñon Cristo Jesús tsa' b_Λ i tajayon. ¹³ Hermanojob, ma'anic wolic ña'tan mi ts'_Λc_Λl tsac taja, pero junsujm jach wolic ña'tan: Wolic ñaj_Λtesan jini am b_Λ tic pat. Wolic cha'len wersa cha'an mic taj jini am b_Λ ti' tojel c wut. ¹⁴ Wolic cha'len wersa che' bajche' x'ajñel cha'an mij c'otel ya' ba' jax_Λ c bijlel cha'an mic taj jini c'ax uts'at b_Λ. Dios woli' p_Λyon ti chan ti Cristo Jesús, jiñ_Λch jini c'ax uts'at b_Λ. ¹⁵ Jini cha'an,

ti pejtelelonla tsa' b_Λ lac taja laj coel, che' ^Λch yom mi lac ña'tan ti lac pusic'al. Mi tilel bixel la' pusic'al, Dios mi caj i p_Λsbeñetla. ¹⁶ Mi an chuqui tsa' lac taja ti Cristo, la' lac ch_Λn tsajcan ti jump'ejl lac pusic'al che' bajche' c_Λntes_Λbilonla, che' bajche' tsa' lac mele c' _Λl_Λ w_Λle.

¹⁷ Hermanojob, melela che' bajche' wolic mel. Wen q'uelela jini mu' b_Λ i melob che' bajche' joñon lojon. ¹⁸ Come woli' yujtel che' bajche' tsac w_Λn subeyetla. Cab_Λlob ti la' tojlel woli' contrajiñob i cruz Cristo. Wolic cha' subeñetla yic'ot i ya'lel c wut. ¹⁹ Mi caj i jis_Λntelob come woli' diosiñob chuqui yom i b_Λc'tal. Mi' lon q'uelob i b_Λ ti ñuc cha'an i melbalob anquese quisintic. Mi' y_Λc'ob ti' pusic'al chuqui jach an ti pañimil. ²⁰ Pero joñonla an lac lumal ya' ti panchan ba' mi caj lac taj la caj Coltaya, lac Yum Jesucristo woli b_Λ lac pijtan. ²¹ Jini mi caj i q'uxext_Λbeñonla lac b_Λc'tal am b_Λ i tsuculel cha'an lajal mi' yajñel bajche' i b_Λc'tal lac Yum am b_Λ i ñucllel, come an i p' _Λt_Λlel cha'an mi' ch' _Λm ti' wenta pejtelel chuqui tac an.

4

Tijicñesan la' pusic'al ti lac Yum Jesucristo ti pejtelel ora

¹ C'uxbibil b_Λ quermanojob, com j q'ueletla. Mic taj c tijicñ_Λyel yic'ot c ñucllel ti jatetla. Jini cha'an ajñenla ti xuc'ul ti lac Yum, c'uxbibilet b_Λ la. ² Ti wocol t'an mic subeñet Evodia yic'ot Síntique, yom jump'ejl la' pusic'al ti lac Yum. ³ Che' ja'el ti wocol t'an mic subeñetla, mero c pi' _Λlet b_Λ la ti e'tel, coltan jini x'ixicob tsa' b_Λ i cha'leyob e'tel quic'ot ti

jini wen t'an, yic'ot ja'el Clemente, yic'ot yaño' b_Λ c pi'Λlob ti e'tel chucbilo' b_Λ i c'aba' ti' jun Dios yic'ot pejt_Λel año' b_Λ i cuxt_Λlel. ⁴ Tijicñesan la' pusic'al ti lac Yum ti pejt_Λel ora. Mic cha' subeñetla: Tijicñesan la' pusic'al. ⁵ P_Λsbeñob i yutslel la' pusic'al pejt_Λel winicob. L_Λc'Λlix an lac Yum. ⁶ Mach mi la' cha'len tsic pusic'al pero ti pejt_Λel chuqui tac mi' yujtel subenla Dios chuqui tac yom ti oración. Ch_Λn c'ajtibenla. Subenla wocolix i y_ΛΛ. ⁷ Che' jini, i ñ_Λch't_Λlel la' pusic'al ch'oyol b_Λ ti Dios mi caj i c_Λntan la' pusic'al yic'ot la' ñ_Λa't_Λbal ti Cristo Jesús. Ma'anic i p'isol i ñ_Λch't_Λlel lac pusic'al mu' b_Λ i y_Λq'ueñonla.

Ñ_Λa'tanla pejt_Λel jini

⁸ Che' ja'el hermanojob yom mi la' ñ_Λa'tan chuqui tac isujm, chuqui tac toj, chuqui tac uts'at, chuqui tac s_Λc, chuqui tac i t'ojol, chuqui tac wen. Mi an chuqui c'ax wen, mi an chuqui yom sujbel ti ñ_Λuc, ñ_Λa'tanla. ⁹ Melela ti pejt_Λel che' bajche' c_Λntes_Λbiletla, che' bajche' tsa' la' ñopo, che' bajche' tsa' la' wubi ti joñon, che' bajche' tsa' la' q'uele ti joñon. Che' jini mux i yajñel Dios la' wic'ot. Jiñ_Λch mu' b_Λ i y_Λq'ueñonla i ñ_Λch'tlel lac pusic'al.

Tsa' aq'uenti i majtan Pablo

¹⁰ C'ax tijicña c pusic'al ti lac Yum w_Λle come tsa' cha' caji la' coltañon. Anix ora la' wom, pero ma'anic tsa' mejli la' taj bajche' mi la' coltañon. ¹¹ Ma'anic woli c_Λl mi an to chuqui yom c cha'an. Come cujil ajñel ti tijicña bajche' jach añoñ. ¹² Cujil c ñ_Λusan wocol che' ma'anic c chub_Λ'an. Cujil wen chumt_Λl ja'el che' cab_Λl c chub_Λ'an. C_Λntes_Λbilon cha'an mi cajñel ti tijicña bajche' jach añoñ, chuqui

jach mi' yujtel, mi ñajon, mi wi'ñayon, mi an cabal c chubΛ'an, o mi anto yom c chubΛ'an. ¹³ Ti Cristo mu' bΛ i p'Λtesañon mi mejlel c mel pejtelel chuqui yom. ¹⁴ Wen uts'at tsa' la' mele che' bΛ tsa' la' coltayon tic wocol. ¹⁵ Che' ti' cajibal jini wen t'an, che' bΛ tsa' loq'uiyon ti Macedonia, ma'anic tsi' coltayoñob. La' wujil ma'anic chuqui tsi' yΛq'ueyoñob yambΛ xñopt'añob, cojach jatetla añet bΛ la ti Filipos. ¹⁶ Che' ya' añon ti Tesalónica ja'el cha'yajl tsa' la' chocebeyon tilel chuqui anto yom c cha'an. ¹⁷ Ma'anic wolij c'ajtin c majtan, pero com mi' p'ojlel wen bΛ la' melbal cha'an ñumen cabal mi la' taj la' chobejtΛbal. ¹⁸ Tsa'ix la' wΛq'ueyon pejtelel chuqui yom. An i ñumel. Jasalix. Epafrodito tsi' ch'Λmbeyon tilel ti pejtelel. La' wofrenda, xojocña i yujts'il yilal, lajal bajche' pulbil bΛ i majtan Dios mu' bΛ i mulan, uts'at bΛ mi' q'uel. ¹⁹ Lac Yum Dios mi caj i yΛq'ueñetla pejtelel chuqui anto yom la' cha'an che' bajche' c'amel an i cha'an Cristo Jesús ya' ti panchan. ²⁰ La' subjic i ñuclél Dios lac Tat ti pejtelel ora. Amén.

Cortesía tac

²¹ Aq'uenla cortesía pejtelel i cha'año' bΛ Dios ti Cristo Jesús. Pejtelel la quermanojob año' bΛ quic'ot mi' yΛq'ueñetla cortesía. ²² Pejtelel i cha'año' bΛ Dios mi' yΛq'ueñetla cortesía, cojcoj jini año' bΛ ti' yotot César. ²³ La' ajnic ti la' pusic'al i yutslel i pusic'al lac Yum Jesucristo.

I T'an Dios
Bible without Deuterocanon in Chol Tumbala; ctu
(MX:ctu:Chol)

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

45de077a-5b47-572a-bd9d-72438a3be945